

欽定大清會典事例

欽定大清會典事例卷七百五十八

刑部

戶律倉庫

收糧違限 匿費用稅糧 多收稅糧 斛面 隱

收糧違限

○凡收夏稅

所收小麥

於五月十五日開

倉七月終齊足秋糧

所收糧米

十月初一日開倉十

二月終齊足如早收去處豫先收受者不拘此

律若夏稅違限至八月終秋稅違限至次年正

月終不足者其提調部糧官吏典分催里長欠

糧人戶各以

糧稅

十分為率一分不足者杖六十

每一分加一等罪止杖一百

官吏里長

受財

而容

者

計所受賊以枉法從重論。分別受賊若違限一年

之上不足者。人戶里長杖一百。提調部糧官吏

典照例擬斷。附律。○勢豪大戶。無故恃頑。不

納本戶秋糧五十石以上。監追完日發附近一

百石以上發邊衛。俱充軍。如三月之內能完納

者。照常發落。謹案此條係原。○一。各處勢豪大

戶。敢有不行運赴官倉。逼軍私兌者。比照不納

秋糧事例。問擬充軍。如掌印管糧官不即申達

區處。縱容遲誤一百石以上者。提問。住俸一年。

二百石以上者。提問降二級。三百石以上者。比

照罷輟事例罷黜

謹案此條係原例雍正三年奏准今無逼軍私免亦無照

石數處分之
事例大刪

○一。應納錢糧以十分為率。欠至

四分以下者。舉人問革為民。貢監生員並黜革。

杖六十。欠至七分以下者。舉人問革為民。杖八

十。貢監生員黜革。枷號一月。杖一百。欠至十分

以下者。舉人問革為民。杖一百。貢監生員俱黜

革。枷號兩月。杖一百。以上俱以次年四月奏銷

以前為限。不足分數者。照例治罪。仍嚴催未完

之錢糧。其文武進士及在籍有頂戴人員。並與

舉人同。

謹案此條雍正五年定。乾隆五年於仍嚴催未完錢糧句上增以上俱以次年

四月奏銷以前為限三句。於仍嚴催未完錢糧句下。增其文武進士二句。○一。凡貢

監生員中富生上戶。定限五月完半。十月全完。如不能按限清完。務限歲底完足。再分三限嚴比。以十五日為限。初限比家僕。次限將本身押追。三限不完。詳革。革後全完。准予開復。中下戶貧寒士子。以秋收八月完半。歲底全完。如不能按限清完。再分三限嚴比。每限十五日。中戶務限開歲二月全完。下戶務限開歲四月全完。初限二限不完。提比家僕。三限未清。生監移學押追。貢生州縣押追。再限半月。不能全完。即行詳

革。革後能完足。仍准開復。委係赤貧。而尾欠僅屬分釐者。詳查明確。槩免詳革。准於秋收併入限年完半數內。帶徵完足。

謹案此條雍正九年定

一。凡貢

監生員中富生上戶。定限五月完半。十月全完。如屆期不清。再展二月。以歲底全完為率。中下貧生。定限八月完半。歲底全完。如屆期不清。中等以開歲二月為率。下等以開歲四月為率。務須全完。如逾限不完。即行詳革。革後全完。仍准開復。若委係赤貧無力。而尾欠僅屬分釐者。詳查明確。暫免詳革。准於秋收併入限年完半數

內帶徵完足。

謹案此條乾隆元年改定。

○一。運弁以通幫糧

米計算。但有挂欠。即革職責懲。發南追比。不完者分別治罪。如欠不及一分。責二十。追完還職。不完滿杖。欠至一分。責三十。追完免罪。不完徒一年。欠至二分。責四十。追完免罪。不完徒三年。欠至三分。責六十。追完免罪。不完發附近充軍。欠至四分。責八十。追完仍滿杖。不完發邊遠充軍。欠至五分。責一百。追完徒一年。不完者絞。欠至六分以上者斬。俱監候。照例以其家產妻子抵償。如仍不足。令原僉衙門各官代賠。旗丁以

一船糧米計算。但有挂欠。即革運責懲。拏交運官發南追完。不完治罪。俱與運弁同承追官嚴加議處。如家產妻子抵償不足。令僉丁衛所糧道及監兌州縣各官代賠。至糧船起交足額外原有餘米。聽回空時沿途糶賣。

謹案此條雍正五年定

一

運弁以通幫糧米計算。但有挂欠。即革職責懲。發南追比不完者。分別治罪。如欠不及一分。答五十。追完還職。不完滿杖。欠至一分。杖六十。追完免罪。不完徒一年。欠至二分。杖七十。追完免罪。不完徒二年。欠至三分。杖八十。追完免罪。不

完徒三年。欠至四分。杖九十。追完仍滿杖。不完發附近充軍。欠至五分。杖一百。追完徒一年。不完者發邊遠充軍。欠至六分者絞。六分以上者斬。俱監候。照例以其家產抵償。如仍不足。令原僉衙門各官代賠。旗丁以一船糧米計算。但有挂欠。即革運責懲。拏交運官發南追完。不完治罪。其按照分數定罪之處。並與運弁同承追官嚴加議處。如家產抵償不足。令僉丁衛所糧道各官代賠。至糧船起交足額外。原有餘米。聽回空時沿途糶賣。

謹案此條乾隆五年改定

○一。挂欠漕糧弁

丁。照例分別治罪外。所欠糧數。作十分分賠。總
漕半分。糧道一分。監兌官半分。押運官半分。運
官一分半。倉丁衛所官半分。旗丁五分半。總漕
等如限內不完。交部議處。弁丁於限內全完。分
別應治罪者。治罪。應免議者。免議。如不完。照例
治罪。將不能賠償米石。仍著總漕等官賠償。如
山東河南湖廣漕糧十分全完者。糧道加一級。
江南江北浙江江西漕糧十分全完者。糧道加
二級。各省漕糧十分全完者。總漕加二級。謹案此條

雍正五年定。乾隆五年。將如

山東河南湖廣以下刪去。
○一。同幫運丁。將

赤貧無賴之丁混行互結以致挂欠者將本丁應賠五分半之內互結各丁攤賠一分其餘令本丁賠補。

謹案此條係雍正五年定

○一凡納糧之戶果能

以五月以前依限完半者則將此戶照停忙之例於開忙後再令完納如有頑戶抗欠不完及完不如半限之數仍照常追徵其州縣官亦不得借停忙之名苟且偷安或藉以沽邀名譽儻有此等不肖州縣該督撫即指名題參照情徵例議罪。

謹案此條雍正五年定乾隆五年查五月完半之例已於雍正十三年奏准停

此止此

○一凡兵役有應輸之糧抗頑不納者該

州縣即將未完錢糧數目開明移令所轄衙門著本管官弁照數追完。移交州縣。如不實力催追完解。即照州縣催徵錢糧未完分數律議處。其上司書役有抗糧不納者。該州縣一面詳報上司。一面嚴行拘拏。革役追比。如上司有阿庇袒護。州縣有瞻徇等弊。均照例議處。○一。凡紳衿所欠分數。各州縣逐戶開出另冊詳報。指名題叅。無論文武鄉紳進士舉人生員並貢監。及有頂戴人員。已任未任。俱按未完分數。已任者革職未任者革去頂戴衣衿。按例枷責治罪。如

州縣不行另冊詳報別經發覺交部議處

謹案此二

條均係雍正
六年定例
○ 歷年
事例
雍正七年

諭士子讀書明理為庶民坊表若昧於急公奉法之義抗糧逋賦導民為非其害在於人心風俗不止虧缺國課而已是以內外大小臣工為此條奏者甚多今經禮部翰林詹事科道等定議士子春夏未完之錢糧分為三限初限不完責比家僕二限不完發學扑責三限不完州縣傳集教官當堂扑責秋冬未完之錢糧亦分三限初限不完發學扑責二限不完州縣傳集教官當堂扑責三限不完詳請褫革嚴行追比

等語。朕思責革之罪。雖皆本人之自取。然一經笞杖。則難洗終身之辱。一經褫革。則永無上進之階。諸生縱不自惜其身名。朕則深為諸生憫惜之也。聞各處催徵之例不同。有責比催糧之差役者。有扑責欠糧之本身者。現年錢糧。每至十月不完。方將糧戶懲責。是五月未曾完半。雖在百姓。未必便行鞭扑。今以此施於士子。似覺稍過。況生監之中。貧富不等。富戶故意抗違。實法無可貸。而貧生未能依限。則情尚可原。今應如何分別貧富。使富者不得藉口以愆期。貧者得稍紓其力。霑沐朝廷體恤之恩。而國賦又不至於

挖欠。大約各省土俗人情。既難齊一。而規條期限。亦未必盡同。著該督撫各就本省情形。秉公詳察。悉心定議。務期寬嚴得當。永遠可行。儻該督撫內別有所見。可以仰副朕矜憐貧寒之士子。而又懲戒頑富之劣衿者。亦著詳細陳奏。

多收稅糧斛面。○凡各倉

主守官役

收受稅糧。聽令

納戶親自行槩。平斛交收。作正數

即以平收者作正數支

銷。依例准除折耗。若倉官斗級不令納戶行槩

踢斛淋尖。多收斛面

在倉者

杖六十。若以

所多附收

餘糧數

總計賊重

於杖六十

者。坐贓論罪。止杖一百。

此皆就在倉者言如入已以監守自盜論提調官吏知而不舉與同

罪

多糧給主

不知者不坐○

附律條例

一在京在外並各

邊一應收放糧草去處若職官子弟積年光棍

跟子賈頭小腳歇家跟官伴當人等三五成羣

搶奪籌斛占堆行槩等項打攪倉場及欺陵官

攢或挾詐運納軍民財物者杖罪以下於本處

倉場門首枷號一月發落徒罪以上與再犯杖

罪以下免其枷號發附近充軍干係内外官員

題叅交部議處

謹案此條係原例免其枷號下原文屬軍衛者發邊衛屬有司

者發附近俱充軍雍正三年刪去改為發附近充軍又結句原文奏請定奪乾隆五年改

為題奏交部議處。嘉慶十九年。於議處下增入。如本犯罪止枷杖者。不行舉之。花戶杖八十。犯該軍罪者。花戶亦杖八十。在該倉門首加枷號一月。均革役。咸豐二年。因光棍例應斬決。恐致誤會。將此例光棍字樣改為匪徒。

○一。各處倉糧。每石收耗米三升。查盤之時。計守支年分。每石准開耗一升。若三年之外。原收耗糧已減盡。照例於正糧內遞開一升。准作耗糧。此外若有侵盜者。方照律例問罪。謹案此條係原例。

○一。各倉花戶。已經斥革。復在現充花戶身後影射把持。向關米之人勒索得賄。計贓一兩以下。杖一百。枷號兩月。一兩至五兩。杖一百。徒三年。六兩至十兩。發邊遠充軍。

十兩以上。實發雲貴兩廣極邊煙瘴充軍。賊至一百二十兩以上。照指稱掣批名色勒索例。擬絞監候。為從各減一等。如計賊重於從罪者。仍各從其重者論。親老丁單。不准留養。若甫經影射辦事。尚未得賊。即在該倉門首枷號一月。杖一百。現充花戶。有心容隱。朋比為姦者。均革役。與首犯同罪。其筭頭夫役及不應入倉人等。稱為花戶身後辦事。勒索得財者。均照前例問擬。如隨同花戶及身後辦事之人。知情分贓者。亦以為從論。至積年光棍。在倉滋事。仍照打攪倉

場本例懲辦

謹案此條嘉慶十九年定原係將勒索計賊十兩以上發黑龍江為

奴二十五年。調劑黑龍江違犯改為實發雲貴兩廣極邊煙瘴充軍。咸豐二年。因光棍例應斬決。恐致誤會。將此例

光棍字改為匪徒。○一。社倉捐穀聽民自便。

不得繩以官法違者以違

制論

謹案此條係雍正六年定

○一。凡社倉穀石不遇荒歉借領

者每石收息穀一斗還倉小歉借動者免取其

息

謹案此條係雍正七年定

○歷年事例

雍正七年

諭據陝西總督岳鍾琪奏稱前奉恩諭陝屬設立社倉

一事於雍正四五兩年司庫耗羨銀內發各州縣十

四萬五千八百餘兩共採買穀麥三十九萬八千七

百五十五石零。計州縣小者二千石。大者七八千石。儘足設立社倉。每年借放之本。尚存銀八萬八千七百餘兩。分發各處蓋造社倉。約以京斗一千石為一社。每社倉一所。不拘房屋間數。總以足貯二千京石為率。請敕下署督臣查郎阿。撫臣武格。於各州縣四鄉。分社建倉。令同社各邨堡之老民。公舉倉正倉副。經營本社倉糧。合計陝屬州縣。約買糧四十萬石。共應建社倉四百餘處。務於今歲秋冬。辦造齊全。將糧石分貯。惟是地方督撫州縣。作何舉行。則為利為病之分途。專以在官在民為大要。今陝省大僚。皆不

知臣原奉恩諭之由。但見從司庫發銀。既存兢懼之念。又見積貯虧空處分之嚴例。每遇州縣請領社倉銀兩。撫藩過於慎重。誠諭甚嚴。州縣亦懷貽累之憂。將所領銀兩。不肯交與倉正倉副。仍勒令里甲採運。又有令胥役家人幕賓收放者。始而勒買。既而勒借。陝省百姓。竟呼此項穀麥為皇糧。不知立社倉之恩意。臣以設立社倉。聽從民便之語。再四曉告。諄切丁寧。不遺餘力。無如大小官員。謂臣言妄。無憑據。嘖嘖訾議。其所以然者。止以因民所利之明詔未頒。是以在官在民。亦界限不定。伏祈特頒社倉諭旨。交督撫

恭錄鐫石。每一社倉頒發一本。張挂曉諭。臣又謹擬社倉條約。亦請發各社倉刊刻木榜。豎立倉門。使鄉里愚民。人人共曉。則每年收放。皆有程式。庶可久而勿替等語。朕惟國家建立社倉。原令民間自行積貯。以百姓之資糧。濟百姓之緩急。其春貸秋償。及滋生羨息。各社自為經管登記。地方有司。但有稽查之責。不得侵其出納之權。此社倉之古法也。是以各省有請立社倉者。朕皆令其聽從民便。毋得強勒捐輸。繩以官法。以致便民之舉。轉為民累。所以曉諭各省督撫者。不啻至再至三矣。從前岳鍾琪在京時。請於通

省加二火耗內。應行裁減每兩五分之數。且暫行徵收。發與民間。採買穀石。分貯社倉。俟採買數足。即行裁減。是於暫收耗羨之中。隱寓勸輸之法。實則應行酌減之耗羨。即小民切己之資財。而代民買貯之倉糧。即小民自捐之積貯。此藏富於民之良法。最為切實而易行。是以俞允所請。令其辦理。乃陝省官員。不知此項穀石。本係民資。又未識從前岳鍾琪奏請之由。以為收貯在官。即是公物。不肯付民經營。而胥吏司其出納者。遂有勒買勒借之弊。殊非數年以來朕之周咨詳畫。多方生養斯民之本意矣。今特降諭旨。

將朕允從岳鍾琪之請。並岳鍾琪陳奏原委。明白曉示。著署督查郎阿巡撫武格。刊石頒布。俾各州縣鄉邨小民。咸知朝廷經營設法之蓋藏。實百姓自為斂散之資用。儻地方官有於社倉穀石。創議交官不交百姓。或指稱原係公項。豫為公事侵挪之地者。俱以擾撓國政。遺誤民生論。從重治罪。其岳鍾琪所擬社倉條約。著戶部鈔錄。交與該督分發各州縣。刊刻木榜。於各鄉社倉豎立。以為永久程式。○乾隆二十五

年

諭。御史朱稽奏各省收漕有暗開斛角。密寬斗面。且或

置斛不用。專以斗量。又淋尖浮收。至所收已經足額。即令各戶折價等語。已飭部速議。並令該御史指叅矣。徵收漕糧。向多積弊。屢經降旨釐剔。漸就肅清。如該御史所奏置斛用斗諸弊。或係該上司查察未周。以致不肖州縣。乘機舞弊。亦不能保其必無。然各督撫並未見查叅一二。至兌漕封倉之後。復行折價。尤屬駭聞。如果有之。則營私蠹民。莫此為甚。該督撫自當嚴叅治罪。以示懲創。豈得漫無覺察耶。現在正屆收漕之候。著傳諭有漕省分督撫。速即留心訪查。據實具奏。○同治九年

據御史鄧慶麟奏直隸永平府屬撫甯等處所用斗斛以底作口。惡級姦商藉此從中漁利。請飭查禁等語。著直隸總督嚴飭永平府屬之撫甯盧龍等縣地方所用斗斛。務當遵照部頒定式。俾歸畫一。至各直省如有不遵定制。擅用私斗情弊。並著各該督撫飭屬查明一體嚴禁。

隱匿費用稅糧課物。○凡

本戶自運

送本戶應納稅

糧課物。

如盤絲銅鐵之類

及應追入官之物。

已給文送還

而

隱匿

肥己私自

費用不納。或詐作

水火盜賊

損失。欺罔

收經

官司者。並計所虧欠物數。

為賊

准竊盜論。

罪止杖一百流

三千
免刺。其部運官吏知隱匿詐妄之情與同罪。不

知者不坐。此係公罪。各留職役。若受財故縱。以枉法從重論。小戶附搭侵匿者。仍依

此律。律。○附律。一。石壩大通橋。設立經紀。剝船竊盜。條例

轉運京倉糧米。倉場及坐糧廳各差。受役沿牘

稽查。如剝船回空。抄查無米藏匿者。其掣欠仍

責經紀賠補。若船底抄出有米藏匿。即將掣欠

之米。令船戶代役照數攤賠。枷責革役。其失察

之經紀。一併責懲。謹案此條雍正五年定

攬納稅糧。○凡攬納他稅糧者。杖六十。著落犯本

赴倉照所納足。再於犯人名下。照所追罰一半。

入官。若監臨主守

官役挾勢

攬納者。加罪二等。

仍追罰一

半人

其小戶畸

田殘零

零丁不足以成一戶

米麥。因便湊數

於本

納糧人戶處附納者。勿論。

包攬侵費正數及多料費用以

誣騙論。若侵欺以監守自盜。檢包與者不應杖罪。

○附律一條例。一。凡

內府錢糧。及內外倉場糧草各處軍需等項。不拘

起運存留。但有包攬誑騙銀一百兩。糧二百石

以上。不行完納。事發問罪。責限三箇月。以裏完

納者。照常發落。過期不完。儘其財產賠納。發邊

衛充軍。經年不完者。仍枷號一月。照前發遣。各

邊武職主使家人伴當跟隨交結人員。挾勢攬

納作弊者。參問降二級。聽使之人。仍照前例問。

發。

謹案此條係原例。參問降二級。雍正三年改參問究擬。乾隆五年。於邊衛充軍下。刪去經

年不完者三句。三十六年。因衛所專司。載運不收軍犯。將邊衛充軍。改為近邊充軍。○一。

內外各處收受草束。若兜攬之徒恃強。將不堪

水溼小草充數。屬託監收官員收受者。拏送問

罪。枷在本處倉場門首三月發落。

謹案此條係原例。起處原

作京通並馬房倉場等處。雍正三年奉御批改定。

○一。各處司府州

縣。每歲將應解錢糧起數先後編次在冊。務要

差委的當人員。依次起解。其兌頭水腳等項照

數交領。不許有分毫侵剋。仍將起解日期。豫先

報部。以憑查催。如有阿徇人情。濫差積年無籍之徒。及捏稱把總雜職陰陽省祭等項名色領解。致侵銀一千兩以上者。降一級。若應解錢糧。不即起解。因而別項挪用一千兩以上者。亦降一級。五千兩以上者。照不謹事例罷黜。其冊報錢糧已經解出。違限一年以上。不行追取批回者。官往俸。承行該吏革役。若聽內外勢要官豪攬納者。問發為民。干礙勢豪。參究治罪。謹案此條係原

例。直省巡撫。每歲將應解錢糧起數先後編次在冊。務要差委的當人員。依次起解。其水腳

等項照數交領。不許分毫侵剋。仍將起解日期。

豫先報部。以憑查催。若聽內外勢要官豪攬交。

者。問發為民。干礙勢豪。叅究治罪。謹案此條雍正三年改定

乾隆五年。以現今錢糧。皆倉丞等官領批起解。並無攬交等事。此條刪。○一。在京

刁徒光棍。訪知鋪行。但與解戶交關價銀。輒便

邀集黨類數十為羣。入門噪鬧。指為攬納。捉要

送官。其家畏懼罪名。厚賂買滅。所費錢物。出在

解戶。以致錢糧累年不完。如有犯者。聽經該各

衙門拏送。法司查照打攪倉場事例發遣。謹案此條

係原例。原文聽經該及緝事衙門。雍正三年改各衙門。乾隆五年。以現今錢糧倉員解送。並無

解戶名目亦無鋪行
交關等事此條刪

○一。凡貢監生員包攬錢

糧。催收入己。挖欠。

國課者。不論分數多寡。俱黜革。發黑龍江當差。若

包攬入己。挖欠至八十兩者。擬絞監候。雖未入

己。並無挖欠。亦黜革為民。枷號三月。杖一百。仍

照所納之數。追罰一半入官。至無知愚民。聽人

攬納者。杖八十。追包納之數入官。其不行查出

之該管官。交部議處。

謹案此條雍正五年
年定乾隆五年刪

○一。州

縣官於每年十月終。令各鄉里書。將所管納糧

名戶各名下已完若干。未完若干。開送查對。無

差即將完欠細數分貼各鄉里使小民家喻戶曉儻有與串不符許即執串具控免其聽人包納之罪或有包攬入己或將應比之戶匿名免追及胥吏洗補串票以多報少等弊查出按律治罪州縣官不將完欠細數顯示於民者該督撫題叅交部議處

謹案此條係雍正八年定乾隆五年查州縣徵收錢糧自有實徵流水等簿開載詳明小民完糧自有串票可憑字號細數可結且一里中花戶以千百

數逐日徵收完欠不定勢難開遠此條刪○歷年事例康熙元年覆准凡

地棍衙蠹侵蝕漕糧者道府州縣及廳倉監督等官據實冊報督撫總督倉場及巡倉御史題

奏。若徇縱不報者。事發之日。一併題參議處。○
四十五年覆准。一應捐納錢糧。俱令本人親身
赴納。如有包攬誑騙。以致錢糧虧缺。事發限三
箇月內完納。照常發落。過期不完。發邊遠充軍。
○嘉慶二十一年

諭御史胡承珙奏請禁書役侵欠錢糧一摺。直省州縣
徵收錢糧。例應當堂給串。以免書役等包攬完納。侵
欺積欠之弊。乃竟有新任州縣。私向庫書糧戶挪借
銀兩。歸還私債。迨至開徵時。即將串票交該書吏私
徵。抵還代借之項。以致書吏侵漁弊端百出。積欠日

多。該御史所奏。係屬實在情形。著各督撫督同藩司
道府等嚴密訪查。如有新任州縣。負欠私債。債主隨
同前往。向庫書糧戶。私挪銀兩。還欠者。即行叅揭。開
徵之日。儘聽信書役折串包徵。亦即據實叅辦。毋稍
徇縱。

欽定大清會典事例卷七百五十九

刑部

戶律倉庫 虛出通關硃鈔

虛出通關硃鈔

凡錢糧通完。出給印信長單為通關。倉庫裁收。則暫給紅批照

票為硃鈔。○凡倉庫收受一應係官錢糧等物原本數

不足。而監臨主守。通同有司提調官吏。虛出通

關

給發者。計所虛之數。併不分攤賊各犯

皆以監守自

盜論。若委官盤點錢糧。數本不足。扶同

監臨提調官

申報足備者。罪亦如之。

亦計不足數以監守自盜論併賊。○受

財者。計以賊以枉法從重論。其監守不收本色。

非文折收財物。虛出硃鈔者。亦以監守自盜論。

納戶知情減二等。免刺。原與之賊入官。不知者

不坐。其贓還主。通同僚知而不舉者。與犯人同

罪。至死。減等。不知及不同署文案者。不坐。以夫覺。案論。○

附律一。凡倉庫銀穀。督撫司道知府。年底以實

在無欠申報。保題後有虧空。知府即行報叅者。

免其分賠。如不行報叅。別經發覺。先著落虧空

官追取。若虧空官家產盡絕。著落保題之上司

官均行賠補。至起解銀兩及漕糧等項。如有虧

空者。將解官運官審明追取。如家產盡絕。亦著

落該管上司均行賠補。若有藉端需索等弊。亦

許下屬通報。嚴究治罪。

謹案此條雍正三年定。原載給沒贓物律後。乾

隆五年移。附此律。

一。凡州縣倉庫錢糧。責成知府嚴行

盤查。於每年奏銷時。出具所管州縣倉庫實存

無虧印結。造冊申詳保題。仍令不時盤查。一有

虧空。無論幾時查出。立即列揭請叅。免其治罪

分賠。如知府通同徇隱。別經發覺。將知府革職

離任。先於本犯名下著追。勒限三年。如果家產

全無。無力完帑。將未完銀米等項。無論侵挪。俱

著落知府獨賠。如止盤查不實。不行揭報。審係

州縣侵欺。將知府照失察侵盜本例議處。免其分賠。審係州縣挪移。亦先於本犯名下著追。勒限三年。如果家產全無。無力完帑。將未完銀米等項。責令知府分賠一半。如知府查出虧空揭報。司道不即轉揭。及司道已經轉揭。督撫不即題叅。許知府竟揭部院。將不轉不叅之督撫司道議處。著令分賠。如督撫司道明知州縣虧空。不即報叅。反為設法彌補。於本犯勒追限滿之日。著落督撫司道分賠。仍交部照例議處。謹案此條

乾隆五年改定

○。一。凡州縣虧空。審明確係知府徇隱

獨賠之項。將知府照例革職離任。本犯擬罪監追。勒限一年。令其賠補。無論本犯完補。或知府協同完補。但能於限內全完。係侵欺之項。本犯擬死罪者。照例減二等發落。擬軍流徒杖者。照例釋免。若係挪移之項。至二萬兩以上者。本犯照例釋免。未至二萬兩者。本犯照例准其開復。其徇隱之知府。亦照雍正二年八月內上司與本官一體開復之例。俱准其開復。如一年限內。無論侵欺挪移。本犯家產不能完補。即將本犯照現在未完之數。治罪發落。其未完銀兩。儘數

著落徇隱之知府。勒限一年完補。若能於限內全完者。准其開復。如限滿不完。再限一年完補。若能於二限內賠補全完者。照伊原職降一級調用。如二限內完不足數。再限一年完補。若能於三限內全完者。照伊原職降二級調用。如三限既滿之後。徇隱該管之知府。雖照數賠補全完。亦不准其開復。謹案此條雍正三年定。凡州縣侵挪虧空。審明確係知府徇隱。應著落獨賠之項。將徇隱之知府革職離任。其州縣虧空銀米。仍依侵挪等贓年限。先於本犯名下儘數著落嚴追。

一年限內全完。係侵欺之項。本犯擬死罪者。照例減二等發落。擬軍流徒杖者。照例釋免。若係挪移之項。至二萬兩以上者。本犯照例釋免。未至二萬兩者。本犯照例准其開復。其徇隱之知府。亦一體准其開復。如二限三限補完者。本犯照例分別發落。若三年限滿不能完足。本犯仍照原擬治罪。查實果係家產全無。無力完帑。將未完銀米等項。著落徇隱之知府獨賠。勒限一年完補。若能於限內全完。准其開復。限滿不完。再限一年完補。若能於二限內賠補全完。照伊

原職降一級調用。如二限內完不足數。再限一年完補。若能於三限內全完。照伊原職降二級調用。三限既滿之後。雖照數賠補全完。亦不准

開復。

謹案此條乾隆五年改定。嘉慶六年。於一年限內全完下。加除侵盜之案。照監守自

盜本例。分別年限還繳數目辦理。二十二字。道光二十四年。於知府下。加直隸州知州五字。

一。凡州縣虧空錢糧。該管知府革職分賠者。亦先在本犯名下。勒限一年追補。限內全完。將本犯分別侵挪。照例發落開復。如限內本犯止完足一半。或完過一半。例得開復者。仍照例俟知府賠完之日。俱准其開復。如本犯限內全無完

補及完不足一半者。仍照例將本犯監追。照伊原虧空之數。令知府分賠一半。其知府分賠一半銀兩。勒限一年完補。限內全完。准其開復。如限滿不完。再限一年完補。若能於二限內全完者。准其開復。於補官日罰俸一年。如二限內完不足數。再限一年完補。若能於三限內全完者。照伊原職降一級調用。如三次限滿不完。及本犯名下應追銀兩未完者。俱不准開復。未完銀兩。仍著落伊等名下追賠。謹案此條雍正三年定。凡州縣挪移虧空。審明係知府不行揭報。應著落分

賠之項。將知府革職。其虧空銀米。仍依挪移虧空年限。先於本犯名下。儘數著落嚴追。一年限內全完。將本犯及不行揭報之知府。俱照例准其開復。二限三限補完。本犯照例分別發落。若三年限滿不能完足。本犯仍照原擬治罪。查實果係家產全無。無力完帑。將未完銀米等項。著落不行揭報之知府分賠一半。其餘一半。入於無著項下完結。其知府分賠一半銀兩。勒限一年完補。限內全完。准其開復。不完再限一年完補。若能於二限內全完者。准其開復。於補官日

罰俸一年。如二限內完不足數。再限一年完補。

若能於三限內全完者。照伊原職降一級調用。

如三次限滿不完。不准開復。未完銀兩。仍著落

追賠。

謹案此條乾隆五年改定。

○。各省屬官虧空。上司明

知故縱者。令徇隱之上司。各賠一分。

謹案此條雍正五年

定。

○。州縣虧空錢糧。除因公挪移。知府通同

徇隱。及明知州縣虧空。不即叅揭。反為設法彌

補之。巡撫司道。仍照定例賠補外。其審明實係

侵盜。將未行查揭之知府。照失察侵盜本例議

處免其分賠。

謹案此條係雍正六年定。乾隆五年併入奏銷盤查例內。此條刪。

○一。凡新舊交代。如果米穀收存不慎。官物遺失不全。立即揭報題叅。於舊官名下著追。如已經後官接受出結。米穀徵變。官物短少。著落接任出結之官。按數賠補。謹案此條乾隆二年定。○一。各府

倉庫錢糧。於每年奏銷時。責成各該道盤查。直隸州錢糧。責成分巡道盤查。糧驛道錢糧。責成布政使盤查。藩庫錢糧。該省有總督者。督撫會同盤查。無總督者。巡撫盤查。其總督有管轄兩三省者。或隔二三年。或隔三四年。於題明巡查地方事情之使。會同盤查。出具印結。於奏銷本

內一併保題。僅有扶同徇隱。及盤查不實。不行揭報。俱照州縣倉庫例行。如有抑勒挪借濫動。以致虧空者。許據實通詳。揭送各部院奏。

聞嚴加議處。責令賠補。

謹案此條乾隆五年定。

乾○。一。凡順天府

所屬二十五州縣衛錢糧事件。俱令該府尹稽查。仍於報銷時。直督會同府尹。互相查覈。列銜具題。其督徵完欠分數考成。與直督一例辦理。

謹案此條係乾隆十三年遵旨議定。

乾○。一。凡該年奏銷錢糧。

各上司照例盤查出結外。再將各屬現年已徵一切正耗雜項錢糧穀價等銀。一體清查。如無

缺少。一併出具結狀。申送督撫查覈。如有挪移抵飾。據實揭叅。該管上司扶同徇隱。照例叅處。其知府有經徵之項。盤查道員亦照守牧盤查州縣之例。一體查辦。各省督撫於奏銷錢糧清查司庫時。將本年新收各項錢糧。一併盤查。聲明並無挪新補舊情弊。出結保題。謹案此條係乾隆十三年

定。○一凡各省虧空案件。審係侵貪入己者。本

犯無力完交。令該上司等分賠。其挪移及倉穀

浥變等項。止將該員擬罪著追。不必概令上司

攤賠。

謹案此條係乾隆十六年通旨定例。

○一各省督撫每

於年終將所轄屬員內通行查察有無虧空之

處。據實彙奏。謹案此條係乾隆三十二年遵旨定例。○。凡州

縣挪移虧空。審明係知府直隸州知州不行揭

報。應著落分賠之項。將知府直隸州知州革職。

其虧空銀米。仍依挪移虧空年限。先於本犯名

下儘數著落嚴追。一年限內全完。將本犯及不

行揭報之知府直隸州知州。俱照例准其開復。

二限三限補完。本犯照例分別發落。若三年限

滿不能完足。本犯仍照原擬治罪。查實果係家

產全無。無力完帑。將未完銀米等項。無論侵挪。

著落不行揭報之知府直隸州知州分賠五成。其餘五成著落失察道員分賠二成。藩司分賠二成。巡撫分賠一成。其知府直隸州知州分賠銀兩。勒限一年完補。限內全完。准其開復。不完再限一年完補。若能於二限內全完者。准其開復。於補官日罰俸一年。如二限內完不足數。再限一年完補。若能於三限內全完者。照伊原職降一級調用。如三次限滿不完。不准開復。未完銀兩。仍著落追賠。至巡撫司道分賠銀兩。均照代賠例限。按銀數多寡。分年完繳。儻有兩案著

賠。准將前案銀兩依限繳完。再行續接追繳。

案謹

此條道光七年增定。

一。凡知府直隸州知州失察屬員虧

空。及本犯實係因公挪移者。仍照原例辦理外。其知府直隸州知州通同徇隱。州縣侵欺倉庫錢糧。著落代賠之項。若三限已滿。尚未賠完。該督撫取具家產全無印甘各結保題。即將革職代賠之知府直隸州知州。按其已未完交分數治罪。以十分為率。如未完之數在五分以上者。杖一百。至六分者。杖六十。徒一年。每一分加一等。十分無完者。杖一百。徒三年。均不准納贖。如

能依限賠完。仍照律准其分別開復降調。謹案此條

原載挪移出納門內。咸豐二年。移附此門。並於例內各知府下。均添入直隸州知州字樣。○

歷年雍正三年議准。自雍正四年為始。凡有州

縣虧空。該督撫審結具奏時。將該管上司應否

分賠處。俱行查明。一併具題。若不聲明具題。即

將該督撫交與吏部照徇庇例議處。○五年議

准。嗣後借糶倉糧。應將每年春間借出穀石。自

秋收之後。勒限徵比。務於十月底全數完納。造

具冊收送部。年底令知府直隸州知州親往盤

查。其府州倉穀。責令該管道員盤查。出具印結

申報。如逾限不完。或捏造冊收。即行揭參議處。在該員名下照數追賠。仍令欠戶照數完納。如係頑紳劣衿姦牙積蠹。將佃戶家人姓名影射。每名借穀四五斗。零星領出入已。積至二三十石者。其紳衿即行黜革。所欠穀石。加倍追還。加責治罪。其代為造冊之鄉保地方。嚴審有無受賄。分別治罪。如該管上司不行揭參。照徇庇例議處。再出糶倉糧之時。嚴禁囤積。如有姦商勢豪串通牙蠹。因積射利者。該地方官即行訪拏。按律治罪。該地方官若不嚴行查禁。該督撫即

指名題參。照溺職例議處。若不肖州縣。以糶借為名。掩飾虧空。該督撫即行題參。嚴審是侵是挪。分別定罪。該管道府直隸知州。如有徇庇隱匿。照例議處。將所虧倉穀著落分賠。如道府州已經揭報。而督撫不行題參者。將督撫照徇庇例議處。亦照例分賠。○乾隆十六年

諭。正藍旗議奏。參革桂林府知府張永燾名下。應追分賠原任臨桂縣知縣徐上達虧空挪移銀兩。現無家產。請交廣撫於分賠各員名下。再為攤賠一摺。向來屬員虧空。本人力不能完。責令上司分賠歸項。所以

懲失察而儆官邪。原係從前舊有之例。朕御極之初。於虧空案內分賠代賠各項。多從寬宥。地方官不能體朕格外加恩之意。因循故智。近年來轉有簞簞不飭。竟將國家帑項。婪歸私橐者。此等貪黷之風。不可不力為整頓。是以按照定律。懲一儆百。期於辟以止辟。乃臣工等又不免意涉揣摩。遂將屬員虧空之項。概議上司分賠。於政體未為允協。蓋上官有察覈屬員之責。地方官實係侵帑自肥。及因事婪贓者。上司平時漫無覺察。自當按數分賠。以昭懲創。至於挪移黷爛之款。既非侵貪重案可比。亦尋常牧令所不能

免之事。將該員律擬勒追。已足示懲儆。若概令上司分派賠補。揆之情理。殊失其平。非禁戢貪婪之本意。且此等案件。經部臣行令分賠之後。仍不免遷延日久。終以產絕無追。具結請豁。是又有名無實。徒增案牘之煩耳。於事何益。嗣後虧空案件到部。應詳加查覈。其有實在侵貪入己之劣員。仍令該上司等分賠。不得稍為寬貸。其他如挪移款項。與倉穀浥變等事。止將該員議罪著追。不必概令上司分攤賠補。致滋擾累。朕經理庶務。應寬應嚴。惟在得乎情理之正。從無畸重畸輕之見存於其間也。特此詳諭中外知之。

○三十二年

諭。據期成額等查審。馮其柘虧空至二萬餘兩之多。李因培授意張宏燧代為彌縫。報少。及赫昇額令屬員幫同彌補一案。飢法營私。實出情理之外。州縣虧空。本有應得之罪。若私自通同幫補。既使劣員倖逃法網。且必復貽累他人。效尤侵蝕。弊將無所底止。深可痛恨。上年山西段成功虧帑纍纍。各屬幫銀填補。業經大加懲創。不料未及一年。湖南復有此案。可見外間上下扶同之習。固結不解。各省皆然。吏治尚可問乎。從前州縣侵虧挪掩之弊。銅習相沿。經

皇考御極。嚴加整頓。始得肅清。朕方謂謹守成規。即可臻大法小廉之治。而刑法世輕。世重。張弛互用。道亦宜然。不意近年藐法欺蒙之案。屢懲屢犯。此未必非因朕三十年來水弱易玩所致。如此則不得不力為整飭。朕亦非不能振綱飭紀者也。督撫為封疆大臣。藩司為錢糧總匯。一省之察吏糾貪。乃其專責。如遇屬員侵虧帑項。據實叅劾。則屬員自必共知顧忌。何難使諸弊澄清。况督撫等皆朕所簡畀。深加倚任之人。亦何忍不共勵天良。力持公正。而乃專事彌縫。通同徇隱。甘蹈欺罔重罪而不辭。是使朕竟無一可信

之大臣。亦伊等不能承受朕恩。享安靜無事之福也。試思督撫膺高爵厚祿。待之不為不優。而幸際昇平。並無折衝宣力之事。宴然坐享豐盈。其稍可自效者。不過正己率屬。共矢潔清。乃尚不思殫竭丹誠。秉公盡職。又安用此督撫為耶。現在已經發覺之案如此。則各省之匿而未發者。大略相同。非朕之必欲逆詐億不信。實伊等甘於自欺。致不見信於朕耳。此等貪黷欺蒙之弊。

天道昭彰。無不自然敗露。隨時嚴治。未嘗不可肅國典而儆官邪。然與其犯而後懲。莫若先為明切申戒。著

傳諭各督撫。即就所轄屬員內通行查察。將有無虧空。據實保奏。計伊等此次覆奏。亦未必遽肯和盤託出。即如前次查覆首邑賠墊一事。明知其未可盡信。朕惟將各摺批交該部。以待將來證驗。此次各省所奏實與不實。朕仍姑不深究。奏牘既陳。禍福惟聽其自取。將來或別經犯案。惟於覆奏之該督撫是問。毋謂朕言之不豫也。嗣後並著於年終將屬員有無虧空之處。彙奏一次。以重責成。著為令。○嘉慶六年

諭。張誠基奏查明通省倉庫實數。咨部分別追補一摺。所奏大謬。無此辦法。各省錢糧倉庫。原應存貯充實。

不得絲毫短少。設稍有虧缺。該督撫本當據實叅辦。至於彌補二字。原不可直達朕前。豈可公然咨部辦理。近年因直隸差務殷繁。各州縣輾轉挪墊。以致倉庫虧短。事非一時。官非一任。特降旨將虧空各員姑免治罪。分別虧項多寡。予限著追。此乃格外恩施。曾明降諭旨。他省不得援以為例。今張誠基竟欲仿照此案。咨部辦理。巧為嘗試。試思江西地方安靜。年歲屢豐。並未有需費浩繁之處。何以自乾隆四十一年至嘉慶四年。各州縣虧空銀數。至八十三萬餘兩之多。張誠基身任江西巡撫。已閱多年。盤查倉庫無虧。

俱有奏案可據。今乃虧短如許之多。安知非該撫任內各州縣任意虧缺。歸咎前人。作為歷任虧項。思以罰不及衆。為屬員開脫。而摺內尚云不能以咨部為自占地步之計。其誰欺乎。張誠基著傳旨嚴行申飭。各省虧空。朕所以不即嚴辦者。原以各該督撫自顧考成。明知所屬倉庫短缺。斷無不上緊籌辦之理。果能不動聲色。全數補完。何必因此輒興大獄。乃各督撫等竟似一經奏明。即有恃無恐。置身事外。上年荆道乾岳起。皆曾以倉庫虧短咨部。經部臣具奏。降旨嚴飭。張誠基豈未之聞乎。今竟敢一面奏聞。一面咨

部。豈以如此辦理。伊即能倖免罪戾耶。該撫如果欲明辨虧空。應即徹底清查。將因何虧短。從前何以不行參奏緣由。和盤託出。據實陳奏。朕不難將該省大小官員一併嚴辦。以儆其餘。惟在督撫自行酌量耳。儻或藉彌補為名。侵害閭閻。擾累地方。致生事端。亦必先將該撫治罪。再將不肖地方官一體嚴辦。毋謂誥誡之不早也。張誠基原摺著擲還。其咨部之案。亦著部臣速行駁回。